



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. VII. Quomodo non cogitans Alipium mordaci irrisione à Circensium  
insania revocarit, & Manichæorum Superstitione involverit.

**urn:nbn:de:hbz:466:1-10120**

## V S V S.

1. Signum est futuræ conversionis, in voluptatibus & vanitatibus conscientiæ stimulis agitari, & experiri, quam amarum sit relinquere Dominum Deum, ac fodere sibi cisternas dissipatas in creaturis. Hoc sentit S. D. qui vero tranquille in bonis hujus vitæ degunt, cum Augustino peccant, non vero cum illo convertuntur.

Terem. 2.  
19, 13.

2. Omne gaudium de creaturis vanum est & miserum, imo tanto miserius, quanto hominum iudicio maius est, quod hoc cap. egregie declarat S. D. Vbi ostendit se vanæ ambitionis naufragiam concepisse, tum ob inordinati affectus acerbitudinem, tum quia et si quid arrisisset prospicuum, pene priusquam teneretur, avolabat, quæ sane causa generoso animo sufficit ad contemptum rerum humanarum.

## C A P. V I I.

*Quomodo non cogitans, Alipium mordaci irrisione à Circensium insania revocarit, & Manichaorum Superstitione involvebit.*

1. **C**ongemiscebamus in his, qui simul amice vivebamus; & maxime ac familiarissime cum Alipio & Nebridio, ista colloquebar; quorum Alipius ex eodem erat quo ego, ortus municipio, parentibus municipalibus, me minor natu. Nam & studuerat apud me, cum in nostro docere cœpi oppido, & postea Carthagine. Et diligebat me multum, quod ei bonus & doctus viderer: & ego illum propter magnam virtutis indolem, quæ in non magna ætate, sat eminebat. Gurses tamen morum Carthaginensium, quibus nugatoria fervent specta-

spectacula, absorbuerat eum & insania Cir-  
censium. Sed cum in eo miserabiliter vol-  
veretur, ego autem Rheticam ibi profes-  
sus, publica schola uterer, nondum me au-  
diebat ut magistrum, propter quandam si-  
multatem, quæ inter me & patrem ejus erat  
exorta. Et compereram, quod Circum exi-  
tiabiliter amaret: & graviter angebar, quod  
tantam spem perditurus, vel etiam perdidis-  
se mihi videbatur. Sed monendi eum, &  
aliqua coercitione revocandi nulla erat co-  
pia, vel amicitiæ benevolentia, vel jure ma-  
gisterii. Putabam enim eum de me, cum pa-  
tre sentire: ille vero non sic erat. Itaque  
postposita in hac re patris voluntate, saluta-  
re me cœperat, veniens in auditorium me-  
um, & audire aliquid atque abire. Sic enim  
de memoria mihi lapsum erat agere cum  
illo, ne vanorum ludorum cæco & præcipiti  
studio, tam bonum interimeret ingenium.

2. Verum autem Domine, tu qui præsi-  
des gubernaculis omnium, quæ creasti, non  
eum oblitus eras futurum inter filios tuos,  
bantistitem sacramenti tui. Et ut aperte ti-  
bi tribueretur ejus correctio, per me qui-  
dem illam, sed nescientem, operatus es.  
Nam quodam die cum sederem loco soli-  
to, & coram me adessent discipuli, venit,  
salutavit, sedit: atque in ea, quæ ageban-  
tur, animum intendit. Et forte lectio in ma-  
nibus erat, quam dum exponerem, oppor-  
tune mihi videbatur adhibenda similitudo  
Circensium: quo illud, quod insinuabam,  
& jucundius & planius fieret, cum irrisione  
mordaci eorum, quos illa captivasset insa-  
nia. Tu scis Deus noster, quod tunc de Ali-

pio ab illa peste sanando non cogitaverim.  
At ille in se rapuit, meque illud non nisi  
propter se dixisse credidit. Et quod alias  
acciperet ad succensendum mihi, accepit  
honestus adolescens ad succensendum sibi,  
& ad me ardenter diligendum. Dixeras  
enim tu jam olim, & innexueras literis tuis:

*Prov. 9,8. Corripe sapientem, & amabit te.*

3. At ego illum jam non corripueram.  
Sed uteris tu omnibus & scientibus, & ne-  
scientibus, ordine quo nosti, & ille ordo ju-  
stus est. De corde & lingua mea carbones  
ardentes operatus es, quibus mentem spei  
bonæ adureres tabescerent, ac sanares. Ta-  
ceat laudes tuas, qui miserations tuas non  
considerat, quæ tibi de medullis meis con-  
fidentur. Etenim ille post illa verba, pro-  
puit se ex fovea tam alta, qua libenter de-  
mergebatur, & cum miserabili voluptate  
cæcabatur: & excussit animum forti tempe-  
rantia, & resiluerunt omnes Circensium  
fordes ab eo, ampliusque illuc non accessit.  
Deinde patrem reluctantem evicit, ut me  
magistro uteretur. Cessit ille, atque conces-  
sit. Et audire me rursus incipiens, illa me-  
cum superstitione involutus est: amans in  
Manichæis ostentationē continentia, quam  
veram & germanam putabat. c Erat autem  
illa vecors & seductoria, preciosas animas  
captans, nondum virtutis altitudinem scien-  
tes tangere, & superficie decipi faciles, sed  
tamen adumbratae simulataeque virtutis.

### N O T A.

a *Insania Circensium* hos ludos Romæ primus fe-  
cit Romulus quarto mense ab urbe condita, quo  
die Sabinas rapuit. Locus Circus appellabatur,  
inde

inde nomen Circensium; pugnabant in iis equi & pugiles. Ex Urbe in provincias hi ludi migrarunt. Eos spectandi insano amore captus fuit Alipius adolescens, Carthagine Augustini familiaris, & in Rhetorica auditor.

- b Antistitem Sacramenti tui ) creatus est enim postea Alipius Episcopus Tagastensis, & patriæ suæ pastor A. C. 394. ut censem Bar. & colligi potest ex ep. 8. S. August. quam hoc anno ad S. Hieronymum dedit. Per Sacramentum intelligit mysteria fidei Catholicæ, quæ explicare & prædicare proprium est Episcoporum.
- c Erat autem illa vecors & seductoria ) Fallacem & simulatam Manichæorum, etiam eorum, qui Electos se nominant, probitatem, alibi egregie depingit. Novem annos totos, inquit, magna cura & lib. de mendicentia eos audiri, nullus mihi Electorum innotescere potuit, qui secundum hæc præcepta ( prius enumerata ) non aut deprehensus in peccato, aut certe suspicioni subditus fuerit. Multi in vino & carnibus ( quas Electis contingere nefas erat ) multi lavantes in balneis inventi sunt, &c. Larvata nimurum hæreticorum non solum est doctrina, verum & vita.

## V S V S.

1. Quam multi adolescentes studio vanorum ludorum bonum ingenium interimunt, nec tamen Augustinos instar Alippi audiunt, utinam discent ab ipso bene inonentibus obtemperare!
2. Expende divinæ providentiae erga electos suos Sapientiam, quæ utitur omnibus & scientibus, & nescientibus, ad eorum profectum & emendationem, ordine mirabili & justo. Ita Augustinus veluti joco sanavit minorem Alippi insaniam, quem tamen in majorem postea conjecit, dum illum Manichæorum superstitione involvit.